




*Շրջակա միջավայրի նախարարության
«Հիդրոտերևութաբանության և մոնիթորինգի կենտրոն» ՊՈԱԿ*

ԱԳՐՈՏԵՐԵՎՈՒԹԱԲԱՆԱԿԱՆ

ՏԵՂԵԿԱԳԻՐ

2025


Հունիսի երկրորդ տասնօրյակ

Տեղեկագիրը կազմել է ագրոտերևութաբանության բաժինը՝ մասնագիտացված ագրոտերևութաբանական կայաններից ստացված տեղեկատվության հիման վրա:

Տեղեկագրի պատասխանատու՝ տնօրենի տեղակալ Գ. Սուրենյան

ՀԻՄՆԱԿԱՆ ՕԴԵՐԵՎՈՒԹԱԲԱՆԱԿԱՆ ԱՌԱՆՁՆԱՀԱՏԿՈՒԹՅՈՒՆՆԵՐ

Հունիսի երկրորդ տասնօրյակում օդի միջին ջերմաստիճանը հանրապետության շրջանների զգալի մասում բարձր է եղել նորմայից մինչև 1 աստիճանով, տեղ-տեղ՝ նույնքանով ցածր:




Տասնօրյակի ամենաբարձր ջերմաստիճանները դիտվել են 13-ին, 14-ին. Տավուշում $+31...+33^{\circ}\text{C}$, Վայոց ձորի լեռնային շրջաններում՝ $+25...+27^{\circ}\text{C}$, Նախալեռնային շրջաններում՝ $+35...+37^{\circ}\text{C}$, Սյունիքի հովտային շրջաններում՝ $+33...+36^{\circ}\text{C}$, Նախալեռնային շրջաններում՝ $+27...+30^{\circ}\text{C}$, Շիրակում՝ $+25...+29^{\circ}\text{C}$ (Աշոց՝ $+23^{\circ}\text{C}$), Կոտայքի լեռնային շրջաններում՝ $+25...+29^{\circ}\text{C}$, Նախալեռնային շրջաններում՝ $+30...+32^{\circ}\text{C}$, Գեղարքունիքում՝ $+23...+28^{\circ}\text{C}$, Լոռիում՝ $+26...+30^{\circ}\text{C}$, Արմավիրում, Արարատում՝ $+34...+36^{\circ}\text{C}$, Արագածոտնի լեռնային շրջաններում՝ $+23...+25^{\circ}\text{C}$, Նախալեռններում՝ $+28...+30^{\circ}\text{C}$ (Աշտարակում՝ $+34^{\circ}\text{C}$):

Տասնօրյակի ամենացածր ջերմաստիճանները դիտվել են 18-ին. Շիրակում՝ $+1...+5^{\circ}\text{C}$, Կոտայքի լեռնային շրջաններում՝ $+4...+6^{\circ}\text{C}$ (Հանքավան՝ 1°C), Նախալեռնային շրջաններում՝ $+8...+10^{\circ}\text{C}$, Տավուշում $+9...+11^{\circ}\text{C}$, Վայոց ձորի լեռնային շրջաններում՝ $+3...+5^{\circ}\text{C}$, Նախալեռնային շրջաններում՝ $+10...+12^{\circ}\text{C}$, Սյունիքի հովտային շրջաններում՝ $+12...+17^{\circ}\text{C}$, Նախալեռնային շրջաններում՝ $+4...+9^{\circ}\text{C}$, Գեղարքունիքում՝ $+2...+7^{\circ}\text{C}$ (Գավառ՝ $+1^{\circ}\text{C}$), Լոռիում՝ $+3...+8^{\circ}\text{C}$ (Տաշիր՝ $+1^{\circ}\text{C}$), Արմավիրում, Արարատում՝ $+10...+14^{\circ}\text{C}$, Արագածոտնի լեռնային շրջաններում՝ $+1...+4^{\circ}\text{C}$, Նախալեռններում՝ $+9...+11^{\circ}\text{C}$:



Տասնօրյակի ընթացքում տեղումների գումարային քանակը Շիրակում կազմել է 13-40մմ (48-167%), Լոռիում՝ 39-51մմ (84-159%), Տավուշում՝ 41-49մմ (146-268%), Արագածոտնի լեռնային շրջաններում՝ 24-29մմ (89-121%), նախալեռներում՝ 2-12մմ (17-71%), Գեղարքունիքում՝ 2-28մմ (10-85%), Կոտայքի լեռնային շրջաններում՝ 4-23մմ (20-92%), նախալեռներում՝ 2մմ (15%), Վայոց ձորի լեռնային շրջաններում՝ 2մմ (10%), նախալեռներում՝ 2մմ (13%), Արմավիրում՝ 7մմ (88%), Արարատում՝ 0.2-0.3մմ (2-4%), Սյունիքի հովտային շրջաններում՝ 7մմ (39%), նախալեռներում՝ 1-16մմ (6-90%): Ուրցաձորում, Մերձավանում և Մեղրիում տասնօրյակի ընթացքում տեղումներ չեն դիտվել:

Վեգետացիոն ինդեքսի ընթացիկ ընթացքն անցյալ տարվա և բազմամյա միջինի համեմատ



Մշակաբույսերի աճն ու զարգացումը



Տասնօրյակի ընթացքում շարունակվել է գյուղատնտեսական մշակաբույսերի աճն ու զարգացումը, իրականացվել են դաշտային աշխատանքներ:

Լեռնային շրջաններում հացահատիկային մշակաբույսերը գտնվել են հասկակալման և ծեղացողունի ներքին հանգույցների առաջացման, նախալեռներում՝ ծաղկման, հովտային շրջաններում՝ մոմային հասունացման, տեղ-տեղ՝ լրիվ հասունացման փուլերում:

Հովտային շրջաններում շարունակվել է կորիզավորների մասսայական բերքահավաքը, դաշտերում և այգիներում կատարվել է հերթական վեգետացիոն ոռոգում, նախալեռներում սկսվել է պտղատուների հասունացումը, ձևավորվել են խաղողի ողկույզները:

Արարատյան դաշտում բանջարանոցային մշակաբույսերը շարունակել են գտնվել ծաղկաբույլերի և ծաղիկների թառամման, նախալեռնային շրջաններում՝ կողային ընձյուղների, իսկ լեռնային շրջաններում՝ առաջին և երրորդ տերևները:

Դիտված տեղումները բարձրացրել են հողի արդյունավետ խոնավության պաշարները: